

Контрольной обходэз образцово ортчытон понна

Уноез партийно комсомольской, советской но профсоюзной организациос населены Всесоюзной перепись сярысь валэктон ужез перепись кутскемлэсь азьвыл гинэ нуоно вал шуыса, массовой валэктон ужез нуэмысь дугдйзы самой перепись мыныку но али контрольной обход вакытэ. Массовой валэктон ужлэн лябомемез уката но та нунал'ёсы кужмо шодиське. Уно интыосын переписылы юрттысь комиссиос ышылызы, соос асьсэлэн буйгатсконызы перепись сярысь валэктон уж нуэмысь дугдйзы.

Сыче положение ноказы чидантэм. Вань партийной но непартийной большевик'ёслы валаны кулэ, что перепись — со сложной уж. Соин ик солы партия но правительство нимыстыз ик бадзым саклык вис'яло. Котькуд честной советской гражданинлы валаны кулэ, что азыланьын коммунистической общество лэстоньын партилы но правительстволы точной даннойёс население сярысь тодыны кулэ. Соин ик, одйг адыми но переписез ортчымтэез меда луы. Перепись вакытэ переписать карыны шедьымтэ адымиосты контрольной обход дыр'я шараяны юрттоно переписьлэн ужасьёсызлы. Нош со понна нырысь ик кулэ луись основной оружиен массовой валэктон уж луэ.

Вунэтоно өвёл, что классовой тушмон'ёс котькыче мероприятиосын вредить карыны туртско. Соос асьсэлэсь сьод ужэс уката но юн лэстыны туртскозы населены перепись вакытэ. Кылсярысь, Сурановской сельсоветысь „Новая деревня“ колхозлэн азьло председателэз Яковлев Яков переписез куашкитон понна переписьлэсь пегаса уййз. Петуневской сельсоветысь единоличник Каштанов озы ик переписной листлэн юан'ёсызлы отвечать каронлэсь мечак пыкиськиз. Таке случайёс мукет интыосын но луыны быгатозы. Соин ик переписьлэн ужасьёсызлы контрольной обход вакытэ уката но бдительной луоно. Классовой тушмонлэн котькуд вылазкаезлы кужмо пезьдэт сётыса, переписылы контрольной обходэз образцово ортчытон понна!

Прогульщик'ёсын но рвач'ёсын беспоощадно нюр'яськоно

„Удмурт коммуна“ но „Шаркан коммуна“ газет'ёслэн редакциосы „Трудовой дисциплинаез упорядочить карон, государственной социалистической страхованилэсь практикаез умоятон но со ужын злоупотреблениосын нюр'яськон мероприятиос сярысь“ СССР-лэн Совнаркомезлэн, ВКП(б)-лэн ЦК-езлэн но ВЦСПС-лэн 28-ти декабре 1938 аре постановленизылэн быдэсмемез сярысь рейд ортчытызы. Татын ми сётиськом рейдын участник'ёслэсь материал'ёссэс.

Вератэк уг луы, талэсь азьло трудовой дисциплина райисполкомын ужасьёс пöлын расшатанной вал. Чукна жыйнэзлэсь но тросэз ужасьёсмы 30 минутлэсь но уно бере кылыса ужаны вуо вал. Раймаге вуз'ёс вуттылыкузы ужан вакытэ очереди кошкылызы. Сиськыны шуыса кошкылыкузы ог 2 ча ёрос вискарылызы.

СССР-лэн Совнаркомезлэсь, ВКП(б)-лэн ЦК-езлэсь но ВЦСПС-лэсь 28-ти декабре 1938 аре постановленизэс производственной совещаниын обсуждагь карем бере, райисполкомын ужасьёс пöлын труддисциплина копак воштыськиз. Уже бере кылён'ёс быризы, трудовой дисциплина унолы умояз.

Соин чош ик тырмытэос но вань на. Кылем арын сентябрь толэзе профсоюзной собраниян кутэм внутренней распорядоклэн правилаосыз борддоре ошемьн өвёл. Со правилаос виль постановленияз уточнить каремын өвёл. Профсоюзной собранияос случайысь случае гинэ луыло. Борд газет уг ужа, полигновостьёсыз возматон доска өвёл. Служащойёс пöлын массово воспитательной уж уг нуиськи.

Ужаны лыктэмез но ужысь кошкемез тодон учет кулэез'я пуктымтэ. Соин ик, кудог ужасьёс дырэз ужатэк но быкто. Стройтехник Машковцев, Чукна райисполкоме лыктыса, котькуд комнатасты ветлэ но, берлань кошке, кытын мар со лэстытэ, тодысь өвёл. Сыче ик ужзы завхоз Корепановлэн но инструктор'ёслэн — Воронцовлэн но Гурьяновлэн. Соослэн ужамзы сярысь ноқыче учет өвёл. Ужзы плантэк но систематэк ортче.

Выйл верам мурт'ёслэн ужамзы сярысь шонер учет пуктон понна райисполкомлы нимыстыз ужрад'ёс кутано.

*

*

*

Шарканской нарбольница-
ын трудовой дисциплинаез

упорядочить карон сярысь СССР-лэн Совнаркомезлэн, ВКП(б)-лэн ЦК-езлэн но ВЦСПС-лэн постановленизы уг быдэсьясыкы. Больницаын зарегистрировать карыса ужась Никигина Анастасия 8 часкын ужаны кутскон интые 9 часкын кутскылэ. Озы ик вискарытэк бере кылё баракысь медсестраос но няняос сменазы вакытэ. Тани, медсестра Васильева Е. 17-ти январе 20 минутлы ужаны бер потйз. Макшакова няня но со нуналэ ик унолы бере кылз.

Больницалэн администрациез таке труддисциплинаез нарушениослы пумит кулэ ужрад'ёс уг кутылы.

Васильева.

* * *

Столовойсь посудница Стархова уно дыр'я труддисциплинаез аслаз уже потамтэныз но бере кылылэмьныз куашкат'яллыз.

Хлсбопекарнясь Фофанов но труддисциплинаез уно пол нарушать карылиз. Ужаны потон интые, чем дыр'я юыса улылиз.

Таке факт'ёсты шараяса, та верам мурт'ёс ужысьтызы куштэмын.

Куртеев.

* * *

Шарканысь „Металлист“ артельын виль постановление потэмлэсь азьло уноез ужасьёс вискарытэк труддисциплинаез нарушать карыло вал. Постановление потэм бере но сое ужасьёс пöлын обсуждать карем бере дисциплина унолы умояз. Нош озы ке но, кудог ужасьёс дисциплинаез куашкатыны туртскыса уло. Кылсярысь, 17-ти январе 15-17 минутлы Туланов, Ворончихин но Рябов ужасьёс уже опоздать карызы. Соослы „Металлист“ артельлэн администрациез выговор ялыз. Со сяна Первозчикова Анна кык нунал, Филатова 1 нунал уже өз поталэ. Русанов 24-ги январе 30 минутлы уже бер вуиз. Со понна соос куиньназы ужысьтызы куштэмын.

Минин.

Планэз жоген быдэстон понна нюр'яськоно

„Наговицyno“ колхозысь кудог колхозник'ёс нюлэс дасынэз но ворттонэз ватной ужез өз лыд'ялэ. Правленилэн нюлэскы мыныны косыса лэстытэм нарядэзлы Данилов С. но Акулов П. подчинягься өз карыське. Соин сэрэн, бере кылёнлэн мугез таос бордысь потйз. Колхозын нюлэс дасын план быдэсмымгэ, 227 кубометыр дасыны кулэ на. Ворттон'я но веранэз ик өвёл, уката но урод. 2000 кубометр ворттон интые, 858 кубомерт сяна быдэстымтэ. Договор'я нюлэскын котькуд нунал 21 мурт ужаны кулэ, нош ужало 5 мурт гинэ.

КСМ организацилэн кивалтысьез Плехов массовой валэктон уж нуэм интые, юыса но хулиганить карыса ветлэ. Нюлэскын но уг ужа. Комсомолец'ёсты нюлэскы постоянной уже востон сярысь ВЛКСМ-лэн обкомезлэн бюроезлэсь решенизэ уг тоды. Комсомолец'ёс пöлын та решение обсуждать каремын өвёл.

А.

ПРОГУЛ ПОННА УВОЛИТЬ КАРЕМ РАБОЧИЙЕСТЫ НО СЛУЖАЩОЙЕСТЫ УЖЕ КУТОН СЯРЫСЬ

Интыосысь юан'ёс вуылэмен сэрэн, СССР-лэн СНК-ез, ВКП(б)-лэн ЦК-ез но ВЦСПС валэкто, что прогул понна уволить карем рабочийёс но служащойёс со предприятие или учреждение ик уже кутэмын луыны уг быгато 3 толэзь чоже, нош мукет предприятия или учреждениосы соос соку ик кутэмын луыны быгато. Союз но таяз случайёсы соос уже кутэмын луо сыче порядокен гинэ, кудйз предусмотреть каремын СССР-лэн СНК-езлэн, ВКП(б)-лэн ЦК-езлэн но ВЦСПС-лэн 28 декабря 1938 арын „Трудовой дисциплинаез упорядочить карон сярысь“ постановлениязы. Со постановлениязе прогул понна уволить карем'ёс асьсэлэсь непрерывной стажэс ышто и соин валче герзаськем правозэс но преимуществозэс, причём со предприятие или учреждение ик уже пырон дыр'язы соос рассматривагься карысько нырысьсэ уже пырысь мурт'ёс кадь, ужам стажзы өвёл мурт'ёсты кадь ик.

(ТАСС).

Шарканской районысь комсомоллэн 6-ти районной конференциезлэн постановлениез

ВЛКСМ-лэн Шарканской райкомезлэн секретарезлэсь Перевозчиков эшлэсь отчетной докладзэ кылзыса но обсудить карыса, комсомоллэн куатетй районной конференциез пус'е:

Шарканской районысь комсомоллэн витей конференциезы куатетй конференциозы асьме районной комсомольской организацимы СССР-лэн, союзной но автономной республикаослэн Верховной Совет'ёсазы быр'ён'ёсын активной участие кутылэ. Уноез комсомолец'ёс участковой но окружной избирательной комиссиослэн член'ёсынызы но председател'ёсынызы, довереннойёсынызы но мукет'ёсынызы вал. Отчетно-выборной комсомольской собрание вакытэ районной комсомольской организация 124 муртлы будй. Отчетно-выборной собраниеос вакытэ унолы активность будйз, критика но самокритика развернуть каремын вал.

Азинскем'ёсын 40ш ик районной комсомольской организацилэн аслаз ужаз бадзымесь тырмытэосыз вань.

„Максимовка“ но „Азино“ колхоз'ёсысь, почтаысь но мукет комсомольской организациосын отчетно-выборной собраниеослы формально отнositься карыскизы, критика но самокритика вфлмытэмын ой вал. Быдэсак районны отчетно-выборной собраниеос уль идейно-политической уровеньын ортчизы. Со возьматэ, что ВЛКСМ-лэн райкомез отчетно-выборной собраниеосын большевистской кивалтонез осуществить оз кары. ВКП(б)-лэн райкомез ВЛКСМ райкомлэн со тырмытэосыз шоры указать оз карылы но соосты палэнтны оз юрты, соин сэрэн уноез комсомольской организациос отчетно-выборной собраниеосы ортчытон сярэсь ВЛКСМ-лэн ЦК-езлэсь инструкциез нарушить карызы.

Отчетно-выборной собраниеос унояз комсомольской организациосын одйг нуналэ ортчыллызы, тыни со оз сётылуонлык оперативно кивалтыны со комсомольской собраниеослэн мынэменызы. Урод пуктэмын вал комсомолец'ёслэсь политической дышетсконзэс организовать карон но соин кивалтон. ВЛКСМ райкомлэн бюррез комсомолец'ёсты политической воспитать каронэн кулэез'я оз кивалты, сое возьматэсь фактэн полит учеба отделысь 4 мурт заведующийёсты воштэм луэ. ВЛКСМ райкомын уг тодо кёня мурт но кызы изучать каро ВКП(б)-лэсь историзэ.

ВЛКСМ райком: Осоавиа-

химлэн но физкультуралэн уж'ёсынызы одйг но интересоваться оз карыскилы. Районамы физкультуралэн инструкторез гинэ но вёл.

Районыстымы 60 колхоз'ёсын комсомольской организациос вёл, со возьматэ ВЛКСМ райкомлэсь но первичной организациослэсь комсомоллэн будонез понна урод ужамез. Несоюзной егит'ёс пöлын уж уг нуиськы. Порозовской НСШ быдэс ар кустын одйг муртэ но комсомолэ оз куты. ВЛКСМ райкомлэн бюррез клуб'ёсын но красной уголок'ёсын тырмыт оз кивалты. „Шонер“, „Козино“, „Муш“ но мукет колхоз'ёсысь красной уголок'ёс но клуб'ёс склад'ёсы яке егитэз переработать каронлы берыктэмын. РОНО но ВЛКСМ-лэн райкомез клуб'ёслэн но красной уголок'ёслэн ужамэзы сярэсь пусыллыса улызы.

Массовой агитационной но культурной уж колхоз'ёсысь егит'ёс но комсомолец'ёс пöлын чидантэм урод пуктэмын. Данакез комсомолец'ёс газет'ёсты уг басьто. ВЛКСМ-лэн райкомез пионерской организациосын кулэез'я оз кивалтылы. Перевозчиков (пионерской отделлэн заведующиез) пионерской ужлэсь палдуртскиз. Соин сэрэн, пионер'ёслэн успеваемосты мукет дышетскисьёслэн сярэсь 0жыт гинэ вис'яське. Школаосысь дышетскисьёс пöлын политвоспитательной ужез урод нуэмен, Кыквинской НСШ-ысь 14 арес'ем дышетскись ныл пинал ваиз.

ВЛКСМ-лэн райкомез но куд-ог первичной комсомольской организациосын комсомольской хозяйство анализэмын. Порозовской НСШ-ысь Захаров быдэс комсомольской хозяйствозэ ыштыз.

Нылкышноос пöлын тырмыт уж оз нуиськы. Егит нылкышноослэсь колхозной собраниеоссэс но районной конференциез ортчытэме ВЛКСМ райком буйгатскиз.

Уль КСМ организациосын кивалтон ВЛКСМ-лэн обкомез ласянь тырмыт ой вал. Мосунов но Ветошкин ВЛКСМ-лэн Шарканской райкомезлы кулэ луись юрттэ оз возьматэ.

Комсомоллэн куатетй районной конференциез постановлять каре:

1. ВЛКСМ райкомлэсь политической линиязэ шонерен, ужэ неудовлетворительноен лыд'яно.

2. ВЛКСМ-лэн райкомезлэсь выль составезлэсь потребовать кароно аслэстыз вань ужэ ВЛКСМ ЦК-лэн 4-ти но 7-ти пленум'ёсызлэн решениосыя, первичной комсомольской организациосын бюро-

кратической, бездушной кивалтон методэз быдтыса.

3. ВЛКСМ райкомлэн выль составез пöлын но первичной комсомольской организациосын кригикаез но самокритикаез вёлмыт'яно.

4. ВЛКСМ райкомлэн выль составезлэсь конференция требовать каре комсомолец'ёслэсь политучебазэс ВКП(б)-лэн ЦК-езлэн постановлениез'я перестроить карыны. „ВКП(б)-лэн историезлэн Краткой курсэзлэн“ нимаз-нимаз главаосыз'я но марксизмлэн классик'ёсызлэн нимаз-нимаз труд'ёсыз'я комсомолец'ёс но несоюзной егит'ёс понна лекциослэсь курсэс организовать кароно. «ВКП(б)-лэн историезлэсь Краткой курсэ» изучать каронлэн но политграмоталэн основной методэнызы самостоятельной ужез лыд'яно.

5. Комсомольской конференция котькуд комсомолец'ёслэн прямой долгенызы лыд'я военно-физкультурной кружок'ёсын самой активной участие кутонез. ВКП(б) райкомлэсь куруно физкультурной ужлэн состояниез сярэсь вопросэз ВКП(б) райкомлэн бюрроз пуктыны.

6. Несоюзной егит'ёс пöлын массовой валэктон ужез нуналмись нуоно но добитысы кароно, чтобы районыстымы вань колхоз'ёсын медлуозы первичной комсомольской организациос.

7. ВЛКСМ лэн райкомезлы, РОНО-лы но первичной комсомольской организациослы указать кароно, что соос политпросветучреждениосын кулэез'я оз кивалтэ шуыса. ВЛКСМ райкомлэн выль составезлэсь конференция требовать каре красной уголок'ёсын но клуб'ёсын кивалтонез выжыеныз ик воштыны.

8. ВЛКСМ-лэсь райкомэз обязать кароно пионерской отряд'ёслэн уженызы кулэез'я кивалтыны. Районысь пионерактивлы юрттоно но соин кивалтоно.

9. ВЛКСМ-лэн райкомезлы но первичной комсомольской организациослы поручить кароно чик жегатскытэк комсомольской хозяйствезэс восстановить карыны. Комсомольской хозяйствозэс упорядочить карон сярэсь вопросэн первичной комсомольской организациослэн секретар'ёссылэсь инструктивной совещанизэс ортчытоно.

10. 1939 арын февраль толэзе комсомольской организациослэн секретар'ёссылы краткосрочной курс организовать кароно, со понна ик ВЛКСМ обкомлэсь средствоос лэзыны куруно.

11. Егитэсь нылкышноос пöлын ляб уж нуэмез конфе-

ренция пус'е. ВЛКСМ-лэн райкомлэсь конференция требовать каре егитэсь нылкышноосын ужез умятыны но соосты кивалтон уже кышкатэк выдвинуть карыны.

12. Районной конференция призывать каре районысь вань комсомолец'ёсты добровольной кружок'ёслэн но организациослэн (ОАХ, СВБ, МОПР, драмкружок'ёслэн но мукет'ёсызлэн) уж'ёсазы активной участие кутылыны.

13. Шарканской средней школалэн ужезлэсь состояниез эскеронез ускорить карыны административной орган'ёслэсь куруно.

14. Комсомольской организациосы конференция призывать каре ликбез ужез серьезно заняться карыны, со лозунг улскын, чтобы котькудиз грамотной 3 неграмотнойёсты мед дышетоз.

15. Конференция ВЛКСМ-лэн райкомезлы но первичной комсомольской организациосын ВЛКСМ-лэн обкомезлэсь тырмыт кивалтымтэзэ пус'е. Комсомоллэн 6-ти районной конференциез ВЛКСМ-лэн обкомезлэсь секретар'ез Гудимовез но ОРКО-ысь Ивановез ужыстызы освободить карон сярэсь ВЛКСМ-лэн обкомезлэсь 4-ти пленумезлэсь решенизэ одобрить каре.

16. Конференция ВКП(б) райкомлэсь но лично ВКП(б) райкомлэн азыло секретарезлэсь Орловлэсь комсомольской организациен тырмыт кивалтымтэзэс пус'е. Комсомоллэн районной конференциез ВКП(б) райкомлэсь агитация но пропаганда отделэзлэсь ВЛКСМ райкомлы комсомольской политучебаез организовать каронын юрттыны куру.

17. ВЛКСМ-лэн райкомезлы но первичной комсомольской организациослы предложить кароно стахановской движениен но соцсоревнованиен заниматься карыскины.

18. Первичной комсомольской организациослы предложить кароно 6-ти районной конференциелэсь постановлениезэ изучить карыны но асьсэлэсь ужэс со постановлениез'я перестроить карыны.

19. ВЛКСМ-лэн райкомезлы предложить кароно комсомоллэн 6-ти районной конференциезлэн решениосыз'я практической мероприятиос пусыны, конференциелэсь решениосэзэ быдэстэм сярэсь первичной комсомольской организациослэн секретар'ёссылэсь отчетэс кылзыны.

ВЛКСМ райкомлэн секретарез Перевозчиков.

Отв. редактор П. АРИСТАРХОВ.
Потт'ясь РАЙИСПОЛКОМ.